

MOSES I HOLISSO UMMONA KUT

CHENESIS HOHCHIFO HOKE.

---

CHAPTA I.

UMMONA ka Chitokaka yvt vba, micha yakni aiena ka ikbi tok.

2. Mihma yakni vt shahahbi bieka, micha nana kvv vlhtaiyaha iksho bieka tok; mihma okhlili hut oka hofobi chito paknaka ya onvtoyula tok: mihma Chitokaka imi Shilombish vt oka pataiya paknaka ai o kanahanli tok.

3. Mihma Chitokaka yvt, Tohwikelashke, achi tok: mihma tohwikeli tok.

4. Mihma Chitokaka yvt towikeli hut achukma ho pisa tok: mihmvt Chitokaka yvt tohwikeli ash okhlilika ai iti filvmmichi tok.

5. Micha Chitokaka yvt tohwikeli ash, Nitak hochifo tok, mihmvt okhlilika, Ninak hochifo tok: mihma opia kvv, micha onnahnli kvv nitak ummona hatok.

6. Mihma Chitokaka yvt, Oka pataiya ka itintakla ya shutik osh talaiashke; micha mihi yosh oka ya oka'bika iti filvmmichashke, achi tok.

7. Mihma Chitokaka yvt shutik a ikbi cha, shutik nutaka oka aiasha ka, micha shutik paknaka oka aiasha ka iti filvmmichi tok: mihma yvmohmi tok.

8. Mihma Chitokaka yvt shutik a Uba hochifo tok: mihma opia kvv, micha onnahnli kvv nitak atukla hatok.

9. Mihma Chitokaka yvt, Oka pataiya shutik nutaka aiasha kvv itiba fohkvv atalaia achvfa ho ai itvnahashke, mikma a shila yvt haiakashke, achi tok: mihma yvmohmi tok.

10. Mihma Chitokaka yvt ashila yash Yakni hochifo tok;